

Na osnovu člana 13. Statuta Fonda za zaštitu okoliša Hercegovačko - neretvanskog kantona („Službene novine HNK“, broj: 9/12), člana 5. Uredbe o načinu raspodjele i ulaganja prikupljenih naknada za posebne kategorije otpada i uslovima za dodjelu poticajnih sredstava („Službene novine Federacije BiH“, broj: 59/21), člana 3. i člana 4. Pravilnika o postupku provođenja programa poticaja za aktivnosti sakupljanja i reciklaže posebnih kategorija otpada broj: 03-0208-116-1/24 od 21.10.2024. godine, Programa rada Fonda za zaštitu okoliša HNK za 2025. godinu broj: 03-0208-56-7/25 od 20.3.2025. godine, Programa utroška potrošačka jedinica 1, analitički kod 614 000 Finansijskog plana Fonda za zaštitu okoliša HNK za 2025. godinu, pozicija (naziv) „Tekući transferi i drugi tekući rashodi“, broj: 03-0208-56-8/25 od 20.3.2025. godine, te na osnovu Odluke Upravnog odbora Fonda broj: 03-0208-198-2/25 od 16.12.2025. godine, Fond za zaštitu okoliša Hercegovačko – neretvanskog kantona raspisuje

JAVNI KONKURS

za dodjelu poticaja u vidu finansijske pomoći za aktivnosti sakupljanja i reciklaže posebnih kategorija otpada i to otpadnih guma, akumulatora i baterija, otpadnih ulja i otpadnih vozila za 2025. godinu te ulaganja u infrastrukturu upravljanja otpadom

Ukupni iznos sredstava koja Fond dodjeljuje po ovom konkursu je 1.647.468,00 KM

I. PREDMET JAVNOG KONKURSA

Predmet Javnog konkursa je prikupljanje prijava za dodjelu poticaja, a koji će se odnositi na slijedeće programske aktivnosti:

LOT 1. Poticaji za sakupljanje i reciklažu otpadnih guma, raspoloživa sredstva 649.182,00 KM

LOT 2. Poticaji za sakupljanje i reciklažu otpadnih akumulatora i baterija, raspoloživa sredstva 20.830,00 KM

LOT 3. Poticaji za sakupljanje i reciklažu otpadnih ulja, raspoloživa sredstva 119.344,00 KM

LOT 4. Poticaji za sakupljanje i reciklažu otpadnih vozila raspoloživa sredstva 526.830,00 KM

LOT 5. Sufinansiranje troškova ulaganja u infrastrukturu upravljanja otpadom, raspoloživa sredstva 331.282,00 KM

II. SUBJEKTI KOJI IMAJU PRAVO NA PODNOŠENJE PRIJAVE

Pravo učešća za LOT 1. do LOT 4., imaju privredna društva koja posjeduju dozvolu nadležnog kantonalnog ministarstva za upravljanje posebnim kategorijama otpada uključujući javna komunalna preduzeća registrovana za aktivnosti sakupljanja i obrade/reciklaže otpadnih guma, otpadnih akumulatora i baterija, otpadnih ulja i otpadnih vozila.

Pravo učešća za LOT 5. imaju privredna društva koja posjeduju dozvolu nadležnog kantonalnog ministarstva za upravljanje posebnim kategorijama otpada uključujući javna preduzeća nadležna za poslove upravljanja otpadom koja posjeduju gradsku odnosno općinsku odluku/rješenje za poslove upravljanje otpadom na području Hercegovačko – neretvanskog kantona.

III. USLOVI KOJE PODNOSIOCI PRIJAVE MORAJU ISPUNITI

Uslovi za LOT 1. – LOT 4.

Pravna lica koja se prijavljuju na Javni konkurs Fonda za LOT 1. do LOT 4. moraju ispunjavati sljedeće uslove:

- Da imaju sjedište na teritoriji Bosne i Hercegovine,
- Da podnesu kompletiranu prijavu za dodjelu poticaja Fondu za zaštitu okoliša HNK u skladu sa objavljenim konkursom,

- Da su upoznata i prihvataju da se poticaji Fonda dodjeljuju samo za dokazane i prihvatljive količine koje ne moraju nužno odgovarati prijavljenim,
- Ispunjavaju i druge uslove utvrđene konkursom.

Na javni konkurs mogu se prijaviti samo oni subjekti koji vrše aktivnosti sakupljanja predmetnih vrsta otpada/**sakupljači** koji posjeduju dozvolu za upravljanje otpadom izdatu od strane nadležnog ministarstva, odnosno komunalna preduzeća koja posjeduju općinsku odluku/rješenje za poslove upravljanja otpadom, te koji su registrovani i redovno unose podatke u informacioni sistem upravljanja otpadom.

Na javni konkurs mogu se prijaviti samo oni **obrađivači/recikleri** koji se bave preradom i/ili povratom komponenti iz otpada (reciklažom), izvozom, kao i pripremom goriva iz otpada za energetske korištenje, a koji imaju dozvolu za upravljanje otpadom i/ili okolinsku dozvolu u skladu sa Zakonom o upravljanju otpadom („Službene novine Federacije BiH”, broj: 33/03, 72/09, 92/17 i 10/24), te koji su registrovani i redovno unose podatke u informacioni sistem upravljanja otpadom.

Javnim konkursom za LOT 1. do LOT 4. se neće poticati:

- Aktivnost protektiranja guma,
- Obrada/reciklaža otpada iz uvoza, kao i otpada preuzetog iz drugog kantona, drugog entiteta ili Brčko distrikta BiH, te će te količine otpada, ukoliko komisija utvrdi da su prijavljene, biti oduzete od ukupne količine otpada na koji se odobrava poticaj.

Uslovi za LOT 5.

Privredna društva uključujući javna komunalna preduzeća koja se prijavljuju na Javni konkurs Fonda za LOT 5. moraju ispunjavati sljedeće uslove:

- Da imaju sjedište na teritoriju Hercegovnačko - neretvanskog kantona,
- Da posjeduju dozvolu nadležnog kantonalnog ministarstva za upravljanje posebnim kategorijama otpada za privredna društva,
- Da posjeduju gradsku odnosno općinsku odluku/rješenje za poslove upravljanje otpadom na području HNK, izdanu od strane jedinice lokalne samouprave u HNK, za javna komunalna preduzeća,
- Da posjeduju gradsku odnosno općinsku odluku/rješenje za poslove upravljanje otpadom na Da podnesu kompletiranu prijavu za dodjelu finansijskih sredstava Fondu za zaštitu okoliša HNK u skladu sa objavljenim konkursom,
- Da dostave kompletirani projekat sa jasno razrađenim budžetom projekta i preciziranim aktivnostima za koje se traže finansijska sredstva od Fonda.
- Infrastrukturni projekti iz oblasti upravljanja otpadom moraju biti:
 - Projekti namijenjeni uspostavljanju sistema regionalnog sanitarnog zbrinjavanja otpada, uključujući izgradnju novih i unapređenje postojećih regionalnih odlagališta izgradnjom dodatnih sadržaja (otplinjavanje, tretman otpadnih voda, dogradnja objekata za prihvatanje opasnog otpada i sl.), sanaciju i zatvaranje općinskih (nesanitarnih) odlagališta, izgradnju transfer stanica, reciklažnih dvorišta,
 - Projekti namijenjeni izgradnji objekata za tretman biorazgradivog i reciklabilnog otpada koji imaju za cilj smanjenje količina koje se deponuju na odlagališta i osiguravaju povrat resursa,
 - Projekti namijenjeni izgradnji postrojenja za mehaničko-biološku obradu MBO, te spalionica komunalnog otpada i energana,
 - Projekti ugradnje kolskih vaga za deponije,
 - Projekti namijenjeni izgradnji infrastrukture za obradu, reciklažu i zbrinjavanje posebnih kategorija otpada (vozila, gume, ulja i akumulatori i baterije) u skladu sa Uredbom o načinu raspodjele i ulaganja prikupljenih naknada za posebne kategorije otpada i uslovima za dodjelu poticajnih sredstava,

- Projekti identifikacije lokacija kontaminiranih opasnim otpadom i njihova sanacija na ekološki prihvatljiv način na području HNK.

Svaki aplikant ima pravo da se prijavi na jedan ili više lotova u sklopu ovog javnog konkursa.

IV. POPIS DOKUMENATA KOJE JE POTREBNO PRILOŽITI UZ PRIJAVU

Prijavljivanje na Javni poziv podnosioc prijave obavlja putem pošte ili neposrednim dostavljanjem na protokol Fonda. Obaveznu dokumentaciju čine opšta obavezna i dodatna obavezna dokumentacija. Svi dokumenti čija je ovjera na drugoj strani dokumenta moraju biti dvostrano skenirani ili se isti neće smatrati dostavljenim.

Sljedeću obaveznu dokumentaciju aplikant mora dostaviti uz prijavu (za sve LOT-ove):

1. Dokaz o registraciji aplikanta kod nadležnog suda (aktuelni izvod iz sudskog registra ili sudsko rješenje o izmjenama podataka) ili kod nadležnog organa u zavisnosti gdje je subjekt registrovan.
Datum izdavanja dokaza o registraciji ne smije biti stariji od 3 mjeseca od dana objave ovog konkursa – dostavlja se original ili kopija originala (koji nije stariji od 3 mjeseca) ovjerena u općini ili kod notara.
2. Uvjerenja o poreskoj registraciji, i to:
 - a) ID broj - odnosi se na sve aplikante;
 - b) PDV - odnosi se na aplikante koji su PDV obveznici;
 - c) Uvjerenje Uprave za indirektno oporezivanje – odnosi se na aplikante koji nisu PDV obveznici.Obrasci pod a) i b) mogu biti ovjerene kopije.
Datum izdavanja uvjerenja (pod c) ne smije biti stariji od 3 mjeseca od dana objave ovog konkursa - dostavlja se original ili kopija originala (koji nije stariji od 3 mjeseca) ovjerena u općini ili kod notara.
3. Uvjerenje nadležnog suda da aplikant nije pod stečajem ili pred likvidacijom, odnosno da nije u postupku stečaja i likvidacije.
Datum izdavanja uvjerenja ne smije biti stariji od 3 mjeseca od dana objave ovog konkursa – dostavlja se original ili kopija originala (koji nije stariji od 3 mjeseca) ovjerena u općini ili kod notara.
4. Uvjerenje o izmirenim poreskim obavezama nadležnih organa i to:
 - Uvjerenje poreske uprave - odnosi se na sve aplikante,
 - Uvjerenje uprave za indirektno oporezivanje – odnosi se na aplikante koji su PDV obveznici.*Napomena: Uvjerenja iz kojih je vidljivo da obveznik ima neizmirenih dugovanja, a pri čemu u uvjerenju nije navedeno da je potpisan sporazum o izmirenju istih, su neprihvatljiva.*
Datum izdavanja uvjerenja ne smije biti stariji od 3 mjeseca od dana objave ovog konkursa – dostavljaju se originali ili kopije originala (koji nisu stariji od 3 mjeseca) ovjerene u općini ili kod notara.
5. Okolinsku dozvolu samo za one koji potpadaju pod obavezu ishodovanja iste.
6. Potvrda banke o transakcijskom računu ne starija od 3 mjeseca – original.

Obavezna dodatna dokumentacija za LOT 1. do LOT 4.:

1. Za aktivnosti sakupljanja otpada godišnji izvještaj o upravljanju otpadom za prethodnu godinu i to:
 - Analitički izvještaj - “Izvještajni obrazac za pravna lica koja proizvode otpad i koja upravljaju otpadom” i
 - Analitički izvještaj - “Tokovi otpada po dokumentima”sa iskazanim količinama otpadnih guma (za LOT 1), akumulatora i baterija (za LOT 2), ulja (za LOT 3) i vozila (za LOT 4) sakupljenih u Hercegovačko - neretvanskom kantonu i predatih obrađivaču, recikleru ili prerađivaču otpada za energetske korištenje na teritoriji BiH ili izvezenih i to kao izvod iz Informativnog sistema upravljanja otpadom za aktivnosti sakupljanja.

2. Za aktivnosti obrade i reciklaže otpada godišnji izvještaj o upravljanju otpadom za prethodnu godinu i to:
 - Analitički izvještaj – “Izvještajni obrazac za pravna lica koja produkuju otpad i koja upravljaju otpadom”,
 - Analitički izvještaj – “Tokovi otpada po dokumentima” i
 - Analitički izvještaj - “Količine obrađenog otpada po tipu tretmana”,sa iskazanim količinama otpadnih guma (za LOT 1), akumulatora i baterija (za LOT 2), ulja (za LOT 3) i vozila (za LOT 4) recikliranih, izvezenih ili prerađenih za energetska korištenje u Federaciji BiH, a koji su sakupljeni ili preuzeti sa teritorije Hercegovačko-neretvanskog kantona i to kao izvod iz Informativnog sistema upravljanja otpadom za aktivnosti obrade i reciklaže.
3. Dokazi o provedenim aktivnostima i količinama:
 - a) dokaznice sakupljača - prateći i vagarski list sa pripadajućim računom o predaji sakupljenog otpada kao sirovine obrađivaču/recikleru,
 - b) CMR list - u slučaju dokazivanja izvoza otpada na obradu,
 - c) prateći listovi, vagarski listovi sa pripadajućim računom obrađivača/reciklera o preuzimanju otpada,
 - d) ovjereni izvod iz materijalne evidencije proizvoda i otpada nastalog procesom obrade/reciklaže – za aplikante koji dokazuju obradu i reciklažu.
4. Dozvolu za upravljanje otpadom izdatu u skladu sa Zakonom o upravljanju otpadom ("Službene novine Federacije BiH", br. 33/03, 72/09, 92/17 i 10/24) od strane nadležnog ministarstva ili za komunalna preduzeća općinsku odluku ili rješenje za poslove upravljanja otpadom, za sve važeći dokument za period za koji se podnosi zahtjev.

Napomena! Ukoliko aplikant, ovlašten za sakupljanje predmetnih vrsta otpada, ujedno posjeduje i ovlaštenje za obradu/reciklažu otpada, tada će mu se sakupljene količine otpada priznati kao predate obrađivaču, recikleru ili prerađivaču otpada za energetska korištenje.

Ukoliko je aplikant obrađivač/recikler kojem je u prethodnom javnom konkursu odobren iznos poticaja za sakupljanje, dužan je dostaviti dokumente o reciklaži ili izvozu ili daljoj predaji otpada na energetska korištenje. Ukoliko aplikant ne dostavi takvu vrstu dokaza neće moći ostvariti pravo na poticaj za aktivnosti sakupljanja iz aktuelnog javnog konkursa.

Obavezna dodatna dokumentacija za LOT 5.:

1. Potpuno kompletirani projekat sa jasno preciziranim budžetom projekta, te aktivnostima za koje se traže finansijska sredstva od Fonda,
2. Predračuni za robe, radove i usluge koji su vezani za aktivnosti iz projekta za koje aplikant traži finansijska sredstva od Fonda,
3. Izjava aplikanta ovjernu od grada/općine da se neće vršiti preprodaja opreme i ostalih sredstava nabavljenih kroz projekt,
4. Izjava aplikanta ovjernu od grada/općine o namjenskom korištenju sredstava Fonda,
5. Izjavu aplikanta ovjernu od grada/općine da ima odobrene lokacije ukoliko je u pitanju izgradnja (opremanje) reciklažnog dvorišta i/ili instaliranje zelenih otoka – forma izjave nije definisana pozivom.

V. KRITERIJI ODABIRA

Poticajna sredstva za LOT 1. do LOT 4. dodjeljuju se sakupljaču za količine otpadnih guma, akumulatora i baterija, ulja i vozila koje su predate dalje na obradu/reciklažu, energetska korištenje ili izvoz, a koje su dokazane i dokumentovane kao sakupljene i predate za prethodnu (2024.) godinu.

Poticajna sredstva LOT 1. do LOT 4. dodjeljuju se operatoru - obrađivaču/recikleru otpada, za količine, prerađenog, recikliranog ili pripremljenog za energetska korištenje, otpada od guma, akumulatora i baterija, ulja i vozila, za 2024. godinu.

Finansijska sredstva LOT 5. će se dodjeljivati na osnovu kriterija i mjerila za ocjenjivanje zahtjeva i određivanja prednosti pri dodjeli namjenskih sredstava za zaštitu okoliša:

- a) pripremljenost projekta (pripremljenosti stručne i tehničke dokumentacije, stepen spremnosti za početak radova, visina vlastitih sredstava korisnika) do 30 bodova,
- b) stepen ugroženosti okoliša (zaštićena prirodna područja i vodozaštitne zone, ekološki značajna područja, stepen smanjenja onečišćenja okoliša i negativnog utjecaja na okoliš i zdravlje ljudi, stepen prioriteta projekta) do 50 bodova,
- c) finansijska ocjena projekta i sposobnost za realizaciju projekta, do 20 bodova.

U slučaju da bilo koji od kriterija nije ispunjen, i po njemu je dodijeljeno nula (0) bodova, prijava će biti odbijena.

Minimalan broj bodova koji aplikant mora dobiti od strane Komisije da bi njegova prijava mogla ići u drugi krug valorizacije iznosi 65 bodova.

Prioritet prilikom vrednovanja prijavljenih projekata za LOT 5 će imati projekti koji se odnose na infrastrukturu za upravljanje posebnim kategorijama otpada.

Fond zadržava pravo da ne dodijeli finansijska sredstva svim aplikantima za LOT 5 koji budu aplicirali iako u tehničkom smislu njihova prijava bude ispravna.

Finansijska sredstva za sufinansiranje projekata koja će biti odobrena aplikantima za LOT 5 će biti transferisana nakon izvršenih aktivnosti iz projekta za koje su finansijska sredstva odobrena, a što će detaljno biti razrađeno ugovorom koji će potisati aplikant i Fond.

Analizu pristiglih prijava na Javni konkurs, vršit će Komisija koju imenuje Upravni odbor Fonda za zaštitu okoliša HNK.

Komisija je dužna izvršiti uvid u sve pristigle prijave, utvrditi da se odnose na predmet javnog konkursa, da su podnesene od strane subjekta na kojeg se javni konkurs odnosi, te da li je uz prijavu dostavljena dokumentacija tražena javnim konkursom.

Evaluacija prijava se vrši provjerom svih dostavljenih podataka i dokumenata, te utvrđivanjem njihove validnosti i tačnosti. Po utvrđivanju validnosti prijave i provjere podataka u informacionom sistemu upravljanja otpadom, provjere prateće dokumentacije, Komisija formira listu onih koji zadovoljavaju uslove konkursa, kao i listu onih koji ne zadovoljavaju uslove, i to posebno za svaki LOT.

Ukoliko se ustanovi da je aplikant prijavio otpad iz uvoza, drugog kantona ili drugog entiteta, te Brčko distrikta BiH, utvrđene količine će biti oduzete od ukupno prijavljenih (sakupljenih i/ili obrađenih), odnosno za iste se neće moći ostvariti poticaj.

Maksimalni iznos poticaja po kg za LOT 1 do 4 definisan javnim konkursom ne smije biti prekoračen. Ukoliko je proračunati iznos po kg za LOT 1 do 4 veći od maksimalnog iznosa, kandidatu se dodjeljuje maksimalni iznos po kg.

Izveštaj sa pratećim rang listama po lotovima Komisija dostavlja Upravnom odboru Fonda na usvajanje.

Upravni odbor Fonda donosi odluku o dodjeli poticaja po objavljenom javnom konkursu.

Odluka se objavljuje na web stranici Fonda.

Fond će sve učesnike javnog konkursa obavjestiti o donošenju odluke Upravnog odbora o dodjeli poticaja nakasnije u roku od 15 dana od dana donošenja Odluke.

U obavještenju će se korisnicima poticaja naložiti dostava potrebne dokumentacije i informacija, u najdaljem roku od 30 dana od dana prijema pismene obavijesti.

S korisnicima finansijskih sredstava iz LOT-a 5 Fond će potpisati ugovor, u kojim se navodi iznos odobrenih sredstava, odredba da Fond u bilo kojem momentu može zatražiti kontrolu/verifikaciju podataka od nadležene inspekcije, obaveze korisnika da nastavi redovno izvještavati Fond o aktivnostima koje provodi u smislu implementacije projekta te obaveza korisnika sredstava da izvrši povrat sredstava u slučaju naknadnog saznanja o dostavljanju krivih i netačnih podataka, rok važenja ugovora, te ostala međusobna prava i obaveze korisnika poticaja i Fonda.

Iznosi poticaja za LOT 1 do 4 su:

- a) Maksimalni iznos poticaja za aktivnost sakupljanja i aktivnost reciklaže za 2024. godinu za otpadne gume je $K_{max} = 0,3 \text{ KM/kg}$
- b) Maksimalni iznos poticaja za 2024. godinu za otpadne akumulatore i baterije je $K_{max} = 0,3 \text{ KM/kg}$
- c) Maksimalni iznos poticaja za 2024. godinu za otpadna ulja je $K_{max} = 0,5 \text{ KM/kg}$
- d) Maksimalni iznos poticaja za 2024. godinu za otpadna vozila je $K_{max} = 0,5 \text{ KM/kg}$

VI. ROK, NAČIN I MJESTO ZA DOSTAVLJANJE PRIJAVA

Rok za podnošenje prijava je 45 dana od dana objave Javnog konkursa na web-stranici Fonda. Neblagovremene i nekompletne prijave će biti odbačene.

Prijave na različite LOT-ove se dostavljaju u zasebnim kovertama.

Ukoliko jedna koverta sadrži prijave za različite LOT-ove, aplikacija se odbacuje.

Kompletirana prijava se dostavlja u štampanoj formi u dva primjerka, i to jedan originalni primjerak i jedna kopija. Original i kopija kompletirane prijave moraju biti jednaki i dostavljaju se u jednoj koverti i uslov su za učešće.

Aplikacija za učestvovanje dostavlja se lično ili putem pošte na adresu:

**Fond za zaštitu okoliša HNK
ul. Blajburških žrtava bb
88000 Mostar**

Prijava se dostavlja u zatvorenim neprovidnim kovertama sa naznakom:

„NE OTVARAJ – PRIJAVA NA JAVNI KONKURS“

Ovaj Javni konkurs objavljuje se u dnevnim listovima „Avaz“ i „Večernji list“ i na web stranici Fonda za zaštitu okoliša HNK www.fzohnz-k.ba.

Dokumenti koji se šalju na Javni konkurs, ne vraćaju se aplikantu.

VII. ROK ZA DONOŠENJE ODLUKE O ODABIRU

Rok za donošenje Odluke Upravnog odbora o odabiru korisnika je do 60 dana od dana zatvaranja Javnog konkursa.

Rezultati Javnog konkursa o izboru korisnika poticaja, biti će objavljeni na službenoj web stranici Fonda www.fzohnz-k.ba, u roku od 7 dana od dana donošenja odluke.

VIII. ZAVRŠNE ODREDBE

Fond za zaštitu okoliša HNK ne snosi nikakve troškove nastale pripremom, sačinjavanjem i podnošenjem aplikacije, te aplikant nema prava na naknadu bilo kakvih troškova po osnovu učešća na ovom Javnom konkursu.

Za dodatne informacije može se obratiti svakim radnim danom do zatvaranja konkursa, i to od 11:00 – 14:00 h putem kontakt telefona: +387 (0)36 44 62 02.